



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. V. An leges Pontificiæ promulgatæ, primùm obligent post bimestre,  
lapsum à die promulgationis factæ?

---

[urn:nbn:de:hbz:466:1-73031](#)

*obliget, ubi non est juridicè promulgatum; sed solum: ergo falsum est, licere illam divisionem stipendiij, etiam post decretum Urbani, quia per hoc, quod non sit publicatum alibi, non cessat ratio, propter quam ex natura rei illicita est ea divisio, nimirum occasio cupiditatis turpis lucri; cùm ergo hæc ratio stet, etiam post decretum Urbani licet alibi non publicatum, rectè falsum dicitur, licere illam stipendiij divisionem, etiam post decretum Urbani.*

173. Hinc resp. in forma ad illius argumentum in n. 135. & quidem i. cum dist. majoris: opinio, licet antè probabilis, non manet probabilis, post quam evidenter, & certo fit incompatibilis cum principio certo, conc. si solum probabiliter, & etiam cum incertitudine morali fiat incompatibilis cum principio certo, neg. maj. ex n. 162. Hinc transmissa minore quoad incompatibilitatem solum probabilem, ac incertam; nego eandem quoad incompatibilitatem evidentem, & certam; consequenter etiam nego consequentiam. Ad probationem minoris resp. simpliciter negando, quod in dictis decretis Alexandri VII. (de quibus n. 134.) contineatur hoc principium certum, *leges Pontificie, Romæ more solito promulgatae, obligant in provinciis, licet in illis non sint promulgatae;* simpliciter etiam nego, hanc propositionem priori contrariam (*leges Pontificie non obligant in provinciis, si in illis promulgatae non sint*) ibi damnatam esse, ut scandalosa, consequenter, *ut certo falsoam.*

174. Nam in hac propositione causalii, damnata tanquam scandalosa: qui non potest matutinum & laudes, non tenetur ad minorem, quam potest, *quia major pars trahit ad se minorem,* continetur hæc; *major pars trahit ad se minorem.* Quæro jam, estne hæc propositio *major pars trahit ad se minorem,* damnata ut scandalosa, & quidem indefinite, seu universaliter, ex eo, quod illa propositione causalii, & priorem continens, ut scandalosa damnata sit: vix credam, id affirmari ab ullo, cùm in electionibns, & alijs, quæ geruntur à Communitatibus, capitulariter, vel collegialiter etiam defacto rectè procedat; sed similis priori propositioni causalii est ista: *Sacerdos potest duploatum stipendum licite accipere pro eadem missa, unum nimirum pro parte correspondente gene-*

raliter missæ; alterum pro parte correspondente specialiter celebranti, *etiam post decretum Urbani VIII.* seu ut explicat Cardenas, non obstante decreto Urbani VIII. prohibente talem acceptationem, *quia decretum non publicatum in provinciis illis non obligat;* ergo licet hæc (*decretum Pontificum non publicatum in Provinciis, in illis non obligat*) concederetur inclusa in illa damnata tanquam scandalosa, non propterea ista contenta damnata esset ut scandalosa; cuius ratio est ex n. 163.

175. Resp. 2. ad idem argumentum in n. 135. transmissa majore, nego min. ad hujus probationem neg. ma. Nam ex certa falsitate propositionis affirmativæ complexxæ, & causalii, malè concluditur: ergo hæc determinatè pars complexi, est determinatè falsa; & contradictionum illius, certò verum, ut constat ex n. 163. alias ex hoc, quod certò falsum sit, *in hoc cubiculo datur fornax, quia est viridis,* inferre liceret, ut falsum determinatè: ergo *fornax non est viridis,* quia est contenta in propositione complexa certò falsa. Damnatur igitur sententia dicens licite accipi duplex illud stipendum, etiam post decretum Urbani, tanquam scandalosa; quia etiam, si tale decretum non sit publicatum in provincijs, per hoc non deficit ratio illiciti, quæ est cupiditas turpis lucri, & venditio specialissimi fructus ex missa respondentis celebranti; quæ est manifestè simoniaca; non igitur evidens, aut certum est, propositionem negantem, solam publicationem Romæ factam sufficere, ut ubique obliget, esse incompossibilem cum principio certo, post decretum Alexandri VII. ut contendit Cardenas in n. 135.

## §. V.

*An leges Pontificie promulgatae, primum obligent post bimestre, lapsum à die promulgationis factæ?*

176. Supponendum, stando in natura legis Sex dictis colligi posse, quando legestam canonice, quam civiles obligent; hæc enim est, quod lex, postquam debitè publicata est, suppositis cæteris ad legis naturam essentialiter requisitis, statim obliget, nisi legislator apponat terminum à die promulgationis factæ computandum,

ante cuius lapsum nolit legem à se conditam, & promulgatam, vim obligandi in actu secundo obtinere. Et quoniam leges imperiales à suo conditore sic constitutæ sunt, ut licet rectè promulgatae sint, nihilominus intuitu boni communis suspensæ quoad vim obligandi manent, donec à die publicationis elapsum sit bimestre, ut manifestum est ex authent. *Ut novæ constitutiones, collat. 5. quæstio est, an idem dici possit, vel debeat de legibus canoniciis?*

**177.** Aliorum opinio est, esse probabile, quod leges Pontificiae non statim obligent à promulgatione, sed post bimestre ab illa, si in illis legibus nulla exceptio fiat. Ratio desumitur ex bono utili, quod non minus censendus est velle Pontifex, quam Imperator, cuius leges id habent; arg. c. 1. de *novi operis nuntiatione*. Nam statuta Canonum adjuvantur constitutionibus Principum, quando nominatim de his, & expressè nihil statuunt: hinc ius canonicum in obscuris admittit interpretationem à jure civili, in clare constitutis, ut notat Wagner in c. *Ecclesiae S. Marie de constit.* Ex hoc enim existimant auctores, se probabile argumentum ducere in omnibus materijs, in quibus canones nihil statuerunt, ita, ut defectum canonum suppleant leges civiles; ita Sebastianus Saccus cit. c. 3. n. 24. Reginaldus l. 13. n. 152. Emmanuel Sa. V. Lex.

**178.** Alij autem opinantur, etiam esse probabile, quod in dato quæstionis punto, Pontificie leges cum Imperatorijs non sint æquales. Pontifex enim in multis materijs fecit particulares suspensiones suarum legum. Sic circa matrimonia clandestina, eorumque invaliditatem, legem suam prohibentem, ad 30. dies suspendit. Idem in alijs decretis Tridentini fecit Pius V. non est itaque censendus Pontifex consensisse in generalem aliquam æqualitatem cum legibus Imperatorijs; alias in casibus particularium suspensionum frustra egisset; ita Suarez de legib. c. 3. n. 18. Vasquez in 1. 2. d. 156. c. 3. n. 14. & cum illos magna pars Doctorum. Hanc postremam opinionem judico probabiliorem, tum ex rationibus, quibus utitur; tum quia rationes in contrariū non sunt urgentes, & argumentum desumptum ex c. 1. de *novi operis*, jam solutum est n. 141.

Dices: in Bulla Pij IV anno 1564. quæ incipit: *sicut ad sacrorum; & impressa est ad calcem Tridentini, ubi proposita quæstione (ex quo tempore cuperint obligare decreta illius Concilij, & jus positivum spe-ctantia?) respondetur, quia jure etiam com-muni sancitum est, ut constitutiones nove vim non nisi post certum tempus obtineant, æquum nobis, & justum visum est, predicta decreta à Calendis Maij proximè præteriti omnes obligare*. Ex hoc quidam sic arguunt: ergo Pontifex per illam constitutionem expressè jus *commune*, id est, *civile*, approbat, recipit, & tempus pro legis obli-gatione sancitum, etiam in constitutionibus Ecclesiasticis æquum, & justum esse, agnoscit; quod maximè locum habere debet in hisce legibus, cum Ecclesia latius longè, quam Imperium pateat, neque credibile sit, statim Germanis, Gallis, Indis, alijsq; Transalpinis posse innotescere legē, quæ in Campo Floræ, & ad Valvas Vaticani Romæ pependerint; Sic P. Robertus König de *constitution. n. 20. Q. Dico. 2. remittens ad Molinam de jure & just. D. 395* contraria removeant.

Verum hæc objecțio non evincit intentum. Nam constitutio Pij IV (de qua *num. præced.*) approbat quidem, & hoc in casu speciali decretorum Concilii Tridentini, quæ sunt juris positivi, recipit jus *commune*, tanquam *æquum*, & *justum* in eo, quod nolit obligari subditos à die promulgationis *statim*, sed post lapsum certi temporis à promulgatione; qualiter fieri debet secundum jus civile, nimirum post juridicè factā promulgationem in Provincijs; cum in dato casu super hoc non fuerit quæstio; ut constat ex priori numero & supra: sed nec probat, Pontificem loqui de tempore post promulgationē Romæ factam integrè juxta n. 156. Nam in hoc casu cessat ratio; cum includat tempus necessarium, ut lex Romæ publicata moraliter diffundi possit quoad sui notitiam ad communitates in singulis Provincijs; nec aliam promulgationem intelligat Molina, ut constat ex dictis n. 154 & seqq. Quarē

Ad objectionem in n. 179. Resp. cum distinctione, & concedo quod Pontifex in illa constitutione recipiat jus *civile* tanquam *justum*, *ut detur sufficiens tempus*, quo lex Romæ publicata, moraliter *venire possit in notitiam abituum proinci-arum;*

arum; sed nego, quod recipiat jus civile, determinate *quoad bimestre*, vel universaliter *quoad omnem legem canoniam*; cum expressè dicat: *quoad predicta*. Iustum agnoscit Pontifex etiam in eo jus civile, quod leges suas etiam in aliquo loco juridicè promulgatas suspendat ad bimestre; sed in hoc non imitatur jus civile; imitatur tamen in eo, quod & ipse concedat tempus, dum lex Romæ promulgata *promulgetur integrè*, hoc est, *moraliter certitudine innotescat alibi*; non autem, quod, postquam promulgata est *integrè*, adhuc suspendat eam ad bimestre, ut facit jus civile. Nec aliud tenet Molina, à n. 155.

181. Occasione dictorum quare potest, an Consiliarij Principum, vel illi, qui sunt de Magistratu, praescientes legem aliquam condendam, vel jam conditam, mox promulgandam de imminuendo v. g. pretio mercium, aut pecunia, possint ea scientia uti, & citius, quam lex promulgetur, similes merces, vel pecunias, currente pre-  
tio alicui hujus rei ignaro, distrahere? aliquorum sententia est, non esse licitum, neque Principi, neque Magistratui, nec alteri, cui hoc ab illis est revelatum; quia haec praxis est abusus publicæ potestatis legislativæ in alicujus subditi præjudicium, hoc non licet: ergo. Alij econtra probabilius docent, licere; quia usus talis scientiae, non est usus, atque adeò nec abusus talis potestatis; pretium etiam, cum sit currens, non potest esse injustum; nec mecharitas obligat, ut cum meo damno proprio, consulam alieno. Excipiunt tamen *dilatationem* promulgationis *eo fine factam*, ut vel ipsi, vel eorum amici, ex hac occasione tempus nanciscantur res suas distrahendi. Talis enim dilatio esset immediatus usus, & abusus potestatis legislativæ; ita de Lugo tom. 2. de just. d. 27. c. 8. q. 7. hanc sententiam probabiliorē dixit in M. S. delegib. d. 1. q. 10. P. Herdinck; dixi; obligat tamen charitas, ne sic fiat, ut in al-  
lato casu emptor cadat de statu suo. Nam sic alterius grave damnum præponderat.

182. Ex dictis collig. 1. quod, eti. Pontifex Pius IV. laudaverit eam juris civilis constitutionem, *quoad prorogationem temporis*, ut lex civilis maneret suspensa ad bimestre etiam post promulgationem; tamen *quoad hoc determinate tempus* non acceptaverit.

1. quia ipse illis decretis Tridentini trimestre constituit ex specialibus causis. 2. quia alij Pontifices constituerunt solum *unum mensem*, ut aperte habetur in c. *Cum singule, de præbend. in 6.* ibi: *providemus, ut infra mensem, postquam præsens constitutio pervenerit ad eosdem* (qui scilicet habent plures Prioratus) *unum ex ipsis, quem voluerint, reliquis dimissis, eligere teneantur*. ubi vides legis obligationem suspendi solum *ad mensem*; & hoc solum titulo deliberationis pro uno reliquis dimissis eligendō.

Colliges 2. leges Pontificias, imò, & inferiorum Papâ Prælatorum constitutiones, & leges (quod etiam procedit de civilibus, & municipalibus, postquam integrè promulgatae sunt, juxta num. 156) ubi vim earum legislator expressè non suspendit, statim obligare; Sic Castropalaus cit. p. 1. tr. 3. d. 1. p. 12. à n. 4. Nam in tali casu nihil obstat, quod minus lex totam vim suam exerat.

## ARTICULUS VI.

*An sit de substantia legis, quod acceptetur à populo?*

184. **Q**uestio fieri potest de quavis lege humana, tam civili, quam Ecclesiastica. Et quoniam in hac re, generaliter affirmare, vel negare, occasionem præbet multis non raro inconvenientibus, ijs præsertim, quibus sufficit, legisse in libro aliquo, dictum generaliter, *lex non acceptata non obligat*, unde plurimi abusus, & justissimarum quandoque legum observantia prætermittitur, magno boni communis detrimento, paucis de utroque argumentum erit.

### §. I.

*An in lege civili necessaria sit acceptatio populi?*

185. **P**rima sententia tenet affirmativam; sic Abbas, Hostiens. Felinus, Innoc. Joann. Andr. in c. 1. de Treuga &c. alii que apud Suarez l. 3. de legib. c. 19. Altera est negantium; quam sequitur Suarez loc. cit. & l. 4. c. 16. cum multis alijs apud Castropalaum p. 1. tr. 3. d. 1. p. 13. n. 8. Pater Herdinck supra cit. probable judicavit,